

СССР-нь Верховнай Советъ 1-це созывонь Котоце Сессияц

## Правительствать внешний политиканц колга

Народнай Комиссаронь Советъ Председателенц и Иностраннай тевонь Народнай Комиссаръ В. М. Молотов ялгать докладон  
ССР-нь Союзонь Верховнай Советъ заседаниясонза 1940 кизонь мартъ 29-це шистонза

Депутат ялгат!

Верховнай Советъ мекольденъ Сессиянц пингста сявомок йотась вете кофт. Тя аф оцю пингста тивествъ события, конатненъ пер-  
востепеннай значенисна между-  
народнай отношениатненъ разви-  
тияса. Сяс тянь коряс эрявхть  
ваномс Верховнай Советъ тя Сес-  
сиясонза ся кизефксне, конат от-  
носятся минь внешний полити-  
каньконди.

Международнай эряфса меколь-  
денъ событиятне эрявхть ванон-  
домс, васендакиге, ся войнать  
лангс ванозь, кона ушедсь Цент-  
ральной Европаса йотай кизонь  
сьоксенда. Англо-французский  
блокъ и Германиять йоткса вой-  
нать эса тя пингс ашельхть круп-  
най сражения, и тевсь ащесь  
аньцек башка столкновенияса,  
сембода пях моряса, а тяфта жа  
и воздухса. Содаф, однак, што  
нинге йотай кизотъ нестонза Гер-  
маниять ширде азф мялеть миронь  
тиемать колга Англиять и Фран-  
циять правительствасна изезь при-  
ма, сяс кафцке ширетненъ эса  
войнать вишкотеманцы анокла-  
мась нинге сяда пях вишкомсь.

Германиясь, кона об'единил ме-  
кольденъ пингт 80-шка миллион  
немец, кона путозень эсь господ-  
стванц алу кой-кона соседней го-  
сударстватненъ, и кона ламода  
кемокстась военной ширде, арась,  
кода няеви, опаснай конкурентокс  
Европаса главный империалисти-  
ческий державатненди—Англияти  
и Францияти. Сяс, Польшать инго-  
ле эсь обязательстваснон пяхко-  
деманъ туфталса синь азсть война  
Германияти. Тян сембодонга пях  
лац няеви, конашкава ичкезе  
ащихть ня державатненъ прави-  
тельстваснон действительнай цель-  
сна сратф Польшать или Чехо-Сло-  
вакиять араламаснон колга инте-  
ресненъ эзда. Тя няеви ни сянъ  
эзда, што Англиять и Франциять  
правительствасна тя войнаса эс-  
тейст целькс азозь Германиять  
тапаманц и явоманц, хотя ня  
цельхне народнай массатненъ ин-  
голе сембе нинге кяшендевихть  
„демократический“ странатненъ  
араламаснон и йомла нароттненъ  
„праваснон“ араламанц колга ло-  
зунгса.

Сяс мес Советский Союзъ  
ашезь ара пособниккс Англияти  
и Францияти Германиять каршес  
тя империалистический политикать  
йотафтомаса, синь позицияснон  
враждебностец Советский Союзъ  
каршес нинге сяда пях вишкомсь,  
наглядна няфнемок, конашкава  
крхкат империалисттненъ враждеб-  
най политикаснон классовой коря-  
ненза социалистический государ-  
ствать каршес. Финляндияса жа  
ушетф войнать англо-французский  
империалисттне аноктольхть ти-  
емс отправной пункткс СССР-ть кар-  
шес войнанди, использовандамок  
тянкаса аф аньцек сонценъ Финля-  
ндиять, но и скандинавский стра-  
натненъ—Швециять и Норвегиять.  
Европаса вишкомкшни войнать

колга Советский Союзъ отноше-  
нияц содаф. СССР-ть миролюби-  
яса проникнутай внешний полити-  
кац тьсонга пях лац няфтьфоль. Со-  
ветский Союзъ эстакиге жа азо-



зе, што сон ащи нейтралитетонь  
позицияса и неуклонна йотафнезе  
тя политикать марнек йотаф пин-  
гста.

Советский Союзъ и Герма-  
ниять йоткса отношениатненъ  
эса сяда цебарьгодомати крутой  
поворотъ няфтьф ненападениянь  
колга договоръ эса, кона подпи-  
санай йотай кизонь августста. Со-  
ветско-германский ня ол, цебарь  
отношениятне ульсть проверяфт  
опытса ингольденъ Польшаса со-  
бытиятненъ эса и сатомшка няфтезь  
эсь кемошиснон. Экономический  
отношениятненъ развитиясна, ко-  
на арьсефоль нинге эста, йотай  
кизонь сьоксенда, конкретна  
няфтьф нинге августсонъ (1939 к.),  
а сяда меле февральсонъ  
(1940 к.) торговай соглашеният-  
ненъ эса. Германиять и СССР-ть  
йоткса товарооборотъ ушедсь  
касондома фкя-фкянь йоткса хо-  
зяйственной выгодаъ основаса,  
и улихть основаният сонъ сяда  
тов вишкоманцы.

Минь отношенияньке Англи-  
яти и Францияти мархта тивествъ  
ламода лиякс. Сяс мес Советский  
Союзъ изъ йора арамс орудиякс  
англо-французский империалист-  
тненди синь тюремасот мировой  
гегемониять инкса Германиять  
каршес, тейнек эрь аськолкста  
сашендовсь васьфнемс синь поли-  
тикасост оцю враждебность минь  
странаньконъ колга. Сембодаяк  
ичкози тевсь пачкодсь финлянд-  
ский кизефксса, конань лангс мон  
лоткан сяда тов. Но СССР-ти  
французский и английский поли-  
тикатъ враждебностенц колга лия  
факттонга мекольденъ кофненъ  
пингста ульсь аф кржа.

Саты няфтемс, што француз-  
ский властне истъ му мезевонъ ся-  
да цебарь, кода тиёмс кафта ко-  
да инголе полицейский налет Па-  
рижса минь торгпредставьконъ  
лангс. Торгпредстваса тиф обыскъ,  
аф ваномок сембе придирактненъ  
лангс, изъ макса кодамовок ре-

зультатт. Сон аньцек оскандалил  
тя безобразнай тевть инициато-  
ронзон и няфтезе, што минь стра-  
наньконъ лангс тя враждебнай  
актти кодамовок реальной туф-  
талхт ашельхть. Кода минь ний-  
сасък тевть обстоятельствозон  
эзда, конат содонтфт Францияста  
минь полномочнай представителе-  
ньконъ Суриц ялгать тердеманц  
мархта, французский правитель-  
ствасъ вешенди искусственной ту-  
фталхт, штоба няфтемс эсь недру-  
желюбностенц Советский Союзти  
отношенияса. Штоба сяда лац ня-  
еволь, што Советский Союзъ аф  
сяда пях заинтересован кафцке  
странатненъ йоткса отношениат-  
ненъ эса, чем Франциясь, минь  
отозвали Суриц ялгать Франциюса  
полпредонъ постста.

Или сявость СССР-ти враждеб-  
най актонъ тяфтама примерхненъ,  
кода Дальний Востока англий-  
ский военнай суднатненъ ширде  
минь кафта пароходоньконъ фатя-  
масна, конат мольтъ Владивостоку  
и усксть товархт, конатненъ минь  
рамасък Америкаста и Китайста.  
Кда прибавамс тянди тяфтама  
факттьне, кода Англияса промыш-  
ленной оборудованианди минь сире  
заказоньконъ пяхкодемаснон эзда  
атказамась, Францияса торгпред-  
стваньконъ ярмаконъ сумманзон  
лангс арестонъ путомась и лама-  
лият, то Советский Союзъ колга  
английский и французский власт-  
тненъ действияснон враждебностец  
кармай няевома нинге сяда пях.

Ульсть тяряфнемат оправдать  
минь внешний торговляньконъ  
лангс ня враждебнай акттненъ сянъ  
мархта, што Германиять мархта  
минь торговляньконъ вельде минь  
лезнетма мекольцети Англияти и  
Франциять каршес войнать эса.  
Аф стака шарьхкодемс, што ня  
аргументтне аф тийхть синтьф  
грошевок. Тянкаса эряви сравнить  
СССР-ть хотя ба Румыниять мар-  
хта. Содаф, што Румыниять сембе  
внешний товарооборотонц пьленц  
составляет Германиять мархта тор-  
говлясь, причем Румыниять наци-  
ональной продукциянц талекац,  
кона усксеви Германияв, например,  
тяфтама основной товарса, кода  
нефтепродуктаса и сыброса, ламода  
сяда оцю СССР-ть национальной  
продукциянц талекац коряс, ко-  
нань минь мишендсасъ Германияв.  
Но аф ваномок тянь лангс, Ру-  
мыниять колга Англиять и Франци-  
ять правительствасна аф тиендихть  
враждебнай актт и аф лувондсазь  
возможнайнди вешемс Румыниять  
ширде, штоба сон лоткафтольхце  
торговлянь Германиять мархта.  
Йофси лия отношениясь Совет-  
ский Союзти. Следовательно, Со-  
ветский Союзъ лангс Англияти и  
Франциять ширде тиендеви вра-  
ждебнай акттне азонкшневихть аф  
СССР-ть и Германиять йоткса тор-  
говлять мархта, а сянъ мархта,  
што англо-французский правящай  
крукненъ сязевсть арьсемасна Гер-  
маниять каршес войнать эса минь  
странаньконъ использовандаманц

колга и синь, тянь инкса, йотаф-  
нихть Советский Союзъ лангс  
кяженъ пандоманъ политика.

Эряви прибавамс, што сембе ня  
враждебнай действиятне Англиять  
и Франциять ширде йотафнествъ,  
аф ваномок сянъ лангс, што Со-  
ветский Союзъ изъ тиенде тя  
пингс кодамовок недружелюбнай  
действият ня странагненди отно-  
шенияса. Советский Союзти при-  
писываемай жа фантастический  
платтне Якстерь армиять кодама-  
бди походонзон колга „Индиять  
лангс“, „Востокъ лангс“ и ст. т.  
—стама очевиднай дикость, што  
тя нелепай увамати могут верон-  
дамс аньцек ломаттне, конат йофси  
листь йоньцост. (Рахайхть).  
Тевсь, конешна, аф тянь эса. Тевсь,  
кода няеви, сянъ эса, што нейтра-  
литетонъ политикась, конань йо-  
тафнесы Советский Союзъ, изъ  
ту англо-французский правящай  
крукненъ мялсь. Сяда башка нер-  
васна синь, улема, аф прокс поряд-  
каса ащихть. (Рахайхть). Синь  
йорайхть навязать тейнек лия  
политика — Германиять каршес  
вражданъ и войнанъ политика, по-  
литика, кода максолъ ба тейст  
возможность использовандамс  
СССР-ть империалистический цель-  
са. Пинге ни ня господиттненди  
шарьхкодемс, што Советский Со-  
юзъ ашель и мзярдонга аф кар-  
май улема чужой политиканъ ору-  
диякс, што СССР-сь фалу йотаф-  
незе и кармай йотафнемонза сон-  
ценъ политиканц, аф ванондомок  
сявь лангс, кельгови тя лия стра-  
нанъ господиттненди или аф кель-  
гови. (Бурнай, ламос моли апло-  
дисментт).

Йотан финляндский кизефксти.

Мезста ащи войнать смыслац,  
кода мольтевсь Финляндияса  
мекольденъ колма ко-  
да лама пингс? Тинь содасть,  
што ня событиятненъ смысласна  
ащихть сембода пях Советский  
Союзъ северо-западной граничан-  
зон безопасностснон обеспеченда-  
маса и, васендакиге, Ленинградъ  
безопасностенц обеспечендамаса.

Йотай кизонь октябрь и но-  
ябрь кофненъ пингста Совет-  
ский правительствасъ вятсь пере-  
говорхт финляндский правитель-  
ствать мархта ся предложени-  
атненъ колга, конатненъ эряфс  
йотафтомасна современной, сембе  
сяда пях накаляющей международ-  
най обстановкаты пингста, минь  
лувондосъ прокс эрявиксонди и  
неотложнайкс странать безопасно-  
стенц и, сембода пях, Ленин-  
градъ безопасностенц обеспечен-  
даманц инкса. Ня переговорхненъ  
эзда мезевонъ ашель лисе, сянъ  
сюнеда, што финляндский пред-  
ставительхне занясть недружелюб-  
най позиция. Кизефксть решанда-  
мац йотась войнать паксать лангс.  
Можна уверенность мархта азомс,  
што кда ба Финляндияти отношени-  
яса афольхть уль внешний влияният,  
кда ба Финляндияти отношенияса

(Полатксоц 2—3—4-це стр.)



## В. М. Молотов ялгать докладонц полатксоц

улець сяда кржа подстрекательства Советский Союзи враждебной кой-кона колмоце странатнен ширде политикаса, то Советский Союзь и Финляндияс нинге йотай кизонь сьоксенда мирна договорились ба эсь йотковаст и тевсь тиеволь ба войнафтома. Но, аф ваномок сянь лангс, што эсь пожеланиязон Советский правительствась пачфтезень минимумти, тевсь ашезь удала аделамс дипломатически.

Тяни, мзярда Финляндияс военнай действителне аделавсь и подписан мирнай договор СССР-ть и Финляндский республика йоткса, эряви и можна судить Финляндияс войнать значениянц колга неоспоримай факттен коряс. А ня фактне корхтайхть синць эсь колга. Ня фактне корхтайхть сянь колга, што Ленинградть эзда маласа, сембе Карельский перешейкаса, сувсемок 50—60 километрас, финляндский властне тисть лама и мощный железобетоннай и гранитно-земляной военной укрепления артиллерия и пулемет мархта. Ня укреплениянень лувкссна лувондови лама сядоса. Ня военной укрепленияне, сембода пях железобетоннай сооруженийнень, конат сатсь значительнай военной мощь, конатнен ульсь подземнай соединениясна, конат кружафт специальной противотанковой лоткса и гранитста надолбса и конат поддерживались лама лувксса миннай паксяса, конат марса лувозь составили кода мярьгихть „Маннергеймань линия“, конац тиф соответствующей иностранной специалистнень руководстваснон ала „Можино линия“ и „Зигфридт линия“ типса. Эряви азомс, што ня укрепленияне лувондовсь минь шиньконь самс неприступнайкс, лиякс мярьгомс стама укреплениякс, конатнен тя пингснинге. фкявок армия ашезень тапсе. Эряви тяфта жа азомс, што ня райоттнен эса эрь велеять финский военной властне инголкиге старандасть шарфтомс укрепленной пунктокс, конат снабждафт оружияса, радиоантеннаса, горючайнди колонкаса и ст. т. Финляндиять южной и восточнай пилькованза лама востова йофси минь границаньконь малас ульсь йотафтфт стратегический машинакит и шоссейнай кит, конатнен аш кодамовок хозяйственной значениясна.

Нюрхкянста азомс, Финляндияс военной действителне няфтезь, што Финляндияс и, вавседакиге, Карельский перешейкаса, нинге 1939 кизоть йотамс ульсь шарфтф готовой военной плацдармакс колмоце странатненди Советский Союзть лангс нападениянть тиемс, Ленинградть лангс нападениянть тиемс.

Неоспоримай фактне няфтезь, што финляндский правительствать враждебностень политикас, конани мархта минь васьфтеме йотай кизонь сьоксенда, ульсь аф случайнай. Советский Союзи враждебной вийхне анокласть минь странаньконь каршес и, васендакиге Ленинградть каршес стама военной плацдарма Финляндияс, конац СССР-ти определенной, аф благоприятнай внешний обстоятельствоень пингста должен ульсь сыграть эсь роленц Финляндияс империалистнень и синь союзникснон. антисоветский вийснон планца.

Якстерь Армиясь аф аныцек тапазе „Маннергеймань линия“ и тянь мархта вельхтызе эсь прынц славаса, кода васенце армиясь, конац пях труднай условияс тисть ки

вполне современной военной укреплениян оцю мощнай полосань туркс, — Якстерь армиясь марса Якстерь флотть мархта аф аныцек тапазь финляндский военной плацдарма, конац аноклафоль Ленинградть лангс нападениянди, но и машфтозень кой-кодама антисоветский платнен, конатнен арьсекинэзь мекольден кизотнен пингста кой-кона колмоце странатне. (Ламос моли аплодисментт).

Конашкава ичкози сувась минь странаньконди враждебность Финляндиять правящей и военной кругонзон эса, конат аноклактнень военной плацдарма СССР-ть каршес, няеви тяфта жа ранендаф и пленц повф якстерьармеецненди белофиттнен ширде исключительнай варварствань и зверствань лама лувксса факттен эзда. Тяфта, мзярда Ладожский озерать сяда севернай ширеса райоттнен эзда фкаса фиттне кружась минь санитарнай землянканьконь, коса ульсь 120 стакаста ранендаф, сембонь синь машфтозь белофиттне, эздост часть пхлхфт, часть муф тапаф прясса, лядыхне слягонфт или ляцьфт. Аф ваномок смертельной ранань наличие тя лангс, тьса погибайхнен ламоснон эса, кода и ляды вастса, ульсь пряс ляцмань следт и прикладса куломс шавондомат, а огнестрельнай оружияс шавфнен эзда часть ульсь ножевой ранасна, конат тифт финкаса шамати. Кой-кона кулотне ульсь муфт керф прясса и прясна ашеть мув. Белофиттнен кядь повф аватненди-санитаркатненди применядактнень специальнай издевательстват и невероятнай зверстват. Кой-кона случайста шавфнен ловажасна стьяфневсь шуфттнен вакс пряснон лангс. Сембе тя варварствась и бесчисленнай зверстватне—финляндский белогвардейщина политиканц плодонза, конат йорасть вишкптемс эсь народснон йоткса ненависть минь странаньконди.

Тяфта няеви „западный цивилизациян“ финский защитникнен шамасна.

Аф трудна няемс, што Финляндияс войнась ульсь аф проста столкновениякс финский войсканен мархта. Аф, тьса тевсь ашесь сяда сложнайста. Тьса ульсь минь войсканьконь столкновениясна аф проста финский войсканен каршес, а лама странань империалистнень марстонь вийснон каршес, тьса сувафнемок английский, французский и лия странатнен, конат лездсть финляндский буржуазияти сембе видонь оружияса и, сембода пях, артиллерияса и самолетса, а тяфта жа эсь ломаньнон мархта, конат кучесвь „доброволцион“ эземс, эсь золотаснон и всякай снабженияснон мархта, сембе мирть кемес эсь пьлас агитацияснон мархта Советский Союзть каршес войнать всякай лаца келетманц инхса. Тянди эряви прибавамс, што Советский Союзть врагонзон кьжи урокодасос семое пингть выделялись Омбоце Интернациональ эзда сембе ня проституированнай „социалистнень“ (зальса веселай оживления), сембе ня эттлитнен и блюмтнен, ситритнен и жуотнен, транмельхнен и хеллунтнен—капиталонь лакейхнен визгливай вайгяльсна, конат педа-пес мизь пряснон войнань кровастихненди.

Английский премьерсь Чемберлен, корхтамок мартть 19-це шистонза общинан палатаса, аф аныцек азсь злой сожаления сян колга, што ашезь удала шорямс Финляндияс войнать аде-

ламанцы, сембе мирть инголе шарфтозе, тянь мархта, велянь боконц лангс сонцен „миролюбивай“ империалистический душанц (рахамат), но и макссь мезе бди отчетонь кондыа сян колга, кода и мезса именна английский империалистне йорасть лездомс Финляндияс Советский Союзть каршес войнать кровастеманцы. Чемберлен лувозе военной материалонь списать, конат ульсь надияфтф и прважафт Финляндияс: ульсь надияфтф 152 самолет, прважаф—101 самолет; ульсь надияфтф 223 орудия, прважаф—114; ульсь надияфтф 297 тьожань снаряд, прважаф—185 тьожань; Викирсонь пушкада надияфтфоль—100, прважаф—100; ульсь надияфтф 20.700 авиационнай бомба, прважаф—15.700; ульсь надияфтф 20 тьожань противотанковой мина, прважафоль 10 тьожатт и ст. т. Апак визтть, Чемберлен азондсь сян колга, што „экспедиционной частень прважамати анокламась мольфтевь пях вишкста, и экспедиционной армиясь, коса ульсь 100 тьожань ломань, аноколь прважамати мартть ушетксста—кафта кода ся срукта инголе, конанц назначендазе Маннергеймась Финляндияс синь самаснонды... Ня войскане не должетольхть улемс мекольденекс“.

Вов кода няеви тевса „миролюбивай“ английский империалистсь сонцен жа собственной признаниязон коряс.

Кда сьавомс Франциять, то, французский печать сообщениязон коряс тоста ульсь кучф Финляндияс 179 самолет, 472 орудия, 795 тьожань снаряд, 5.100 пулемет, 200 тьожань ручной граната, и ст. т. Мартть 11-це шистонза эстонь французский премьерсь Даладь азомс депутаттнен палатаса, што „Франциясь выступил ся странатненди во главе, конат согласивдасть усксемс военной материалхт Финляндияти, и в частности, Франциясь, Гельсинкити эняльдеманц коряс, аныцек што кучсь Финляндияс ультрасовременнай бомбардировщикт“. Даладь азомкшнэзе, што „Февральть 26-це шистонза сьавомок французский войскань экспедиционной корпусь снаряженной и аноклаф. Лама судна анокла ашихть тумс Ламаншь и Атлантический побережьять кафта крупнай портснон эзда“. Даладь азомкшнэзе стане жа, што союзникне „лездыхть Финляндияти марнек надияфтф вийснон мархта“.

Даладьнен ня враждебнай заявлениянза Советский Союзть колга корхтайхть эсь инкост. Однако, аш мезенкса лотксемс ня враждебнай заявлениянть лангс, сяс мес синь эсот, кода няеви, аш ни полный трезвай йон. (Заль эса веселай оживления).

Эряви нинге лятфтамс финляндский войнать эса Швециять участианц колга. Сообщениянть коряс, конат йотазь сембе шведский газетатнен, Швециясь максозень Финляндиять распоряденияс Советский Союзть каршес войнать пингста известнай лувкссамолетт, конат составляли, примерна, ся пингонь шведский военновоздушной вийхнен фкя ветецек пьлякснон“. Шведский военнай министр заявлянианц коряс фиттне получасть Швецияста 84 тьожань винтовка, 575 пулемет, 300-да лама артиллерийский орудия, 300 тьожань граната, 50 миллион патрон. Сембе тя материалсь, министр заявлянианц

коряс, ульсь инь новейшей образонь.

Ашезь ляда Финляндияс войнать кровастемаса тяфта жа и Италиясь. Сон, например, кучсь Финляндияс 50 военной самолет.

Финляндияти военной лездксь мольсь тяфта жа „миролюбияти“ сьашкава нльне преданнай Американь Соединеннай Штаттнен эзда. (Марстонь рахама).

Всякай вооружениянь общий лувкссь, конац кучфоль Финляндияс лия странатнен эзда аныцек войнать пингста, пачкодсь, аф полный сведениянть коряс: самолетта—аф 350-да кржа, артиллерийский орудияда—1.500-шка, 6 тьожань лама пулемет, 100 тьожаньшка винтовка, 650 тьожань ручной граната, 2 миллиотт 500 тьожань снаряд, 160 миллион патрон и лама лият.

Аш нужда няфнемс лия факт, конат кемокснесазь, што Финляндияс тевсь мольсь аф аныцек финский войсканен каршес минь столкновениянц колга, а Советский Союзи сяда враждебнай лама империалистический странань соединеннай вийнь каршес столкновениянц колга. Тапамок вракеннь ня соединеннай вийснон, Якстерь армиясь и Якстерь флотсь сьормадсть од славнай страница эсь историязост и няфтезь, што минь народсонк отвагань, самоотверженностень и героизмань источниксь неисчерпаемая. (Бурнай аплодисментт).

Финляндияс войнась сьавсь, кода минь ширденк, стане и фиттнен ширде, оцю жертват. Минь Генеральный штабоньконь подсчетонзон коряс минь ширесонк шавфнен и гранатнен эзда кулофнен лувкссна составляет 48.745 ломань, лиякс мярьгомс аф ламода 49 тьожань ломаньда сяда кржа, ранендафнен лувкссна—158.863 ломань. Финский ширде тиендевихть тяряфнемат сяда кирьфтамс синь жертваснон, но фиттнен жертвасна миннетнен коряс ламода сяда опюфт. Минь Генеральный штабоньконь минимальнай подсчетонзон коряс фиттнен шавфснон лувкссна пачкотькшни аф 60-да кржа тьожань, аф лувомок ранатнен эзда кулофнен, а ранендафнен лувкссна аф 250 тьожаньда кржа ломань. Тяфта, исходя сян эзда, што финский армиять лувксон ульсь аф 600 тьожаньда кржа ломань, эряви признать, што финский армиясь юмафтозе шавфста и ранендафста эсь составонц пьледа ламонь.

Тяфтап фактне.

Ляткшни кизефкс, мес жа ина Англиянь и Франциянь, а тяфта жа кой-кона лия странань правящей крукне тяшкава активна участводасть тя войнать эса Финляндиять ширеса, Советский Союзть каршес. Содаф, што Англиять и Франциять правительствасна путнесть отчаянной усилият, штоба шорямс Финляндияс войнать аделаманцы и миронь ладямати, хотя и синь апак содонтт Финляндиять колга кодамовок обязательстваса. Содаф тяфта жа, што эсь пингстонза аф ваномок Франциять и Чехо-Словакиять йоткса взаимопомощень колга нльне уликс пактть лангс, Франциясь изь макса Чехо-Словакияти лездкс. А Финляндияти видеста навязывали эсь военной лездкснон кода Франциясь, стане и Англиясь, штоба аныцек шорямс Финляндиять и Советский Союзть йоткса войнать аделаманцы и миронь ладямати. Перань сивотьф разбойникне—всякай писательхнен



# В. М. Молотов ялгать докладонц полатксоц

йоткста, конат специализировались газетнай жульничества и надувательствань лангса, тряф-нихть азондомс англо-французский крукнень тяфтама поведениаснон особай заботакс „йомла нароттнень“ колга. Но азондомс Англия и Франция тя политикаснон йомла государствать интересонзон колга башка заботать мархта нлне рахамаче сай. Азонкшнемс сось обязательстватнень мархта Лига нациянь инголе, кона бта вешсь, штоба аралалезь сось членонц,—тяфта жа йофси аф остроумна.

Афкукс, изь йота нинге кизовок, кода Италиясь фатязе и машфтозе независимай Албаниять, кона ащесь членкс Лига нацияса. И мезе жа? Лиссть ли Англиясь и Франциясь Албаниять аралама, жеподсть ли синь хоть аф оцю вайгяль Италиять захватнический действиязон каршес, конац вихца подчинил эстейнза Албаниять, аф ваномок сось населениянц лангс, конац ащи миллионда лама ломаньцта, и аф ваномок сян лангс, што Албаниясь—Лига нациянь член? Аш, аф английский, аф французский правительствась, аф Американь Соединенный Штатне, аф Лига нациясь, кона сьажа англо-французский империалисттнень тысонга азорондамаснон сьонда юмафтозе всякай авторитетонц, нлне сурснонга ащезь шерфте тя случайть колга. Йомла народонь ня „защитникне“, Лига нациянь членонзон праваснон ня „поборниксна“ целай кемгафтува конов пинге стак и ащезь пута Лига нация ваномс кизефксть Италиять ширде Албаниять фатяманц колга, кона тифоль нинге йотай кизонь апрельста. Сядонга пьк, синь фактически шназь тя фатямать. Следовательно, йофси аф йсма на роттнень араламаснон мархта и аф Лига нациянь членонзон праваснон араламанц мархта азонкшневи Советский Союзть каршес Финляндиять лезксонь максмась английский и французский правящай крукнень ширде. Тя лездомась азонкшневи сян мархта, што Финляндиясь сян улсь анок военнай плацдармаса СССР-ть лангс нападениянь случайнди, а Албаниясь изь занце тяфтама васта синь планцон эса. Афкукс жа, йомла нароттнень правасна и интересна ашихть разнень монетакс империалисттнень кядьса.

Английский империалисттнень „Таймс“ руководящай газетасна, кода и французский империалисттнень „Тан“ руководящай газетасна, аф корхтамок ни английский и французский лия буржуазнай газетатнень колга, мекольдены кофнень откровенна тернесть интервенцияти Советский Союзть каршес, сян лангс йофси апак ватт, што Англиять и Франциять мархта, фкя ширде, и Советский Союзть йоткса, омба ширде, улихть, кода марьгихть, нормальнай дипломатический отношеият. Ня руководящай буржуазнай газетатнень тонца, и нлне сьада ичкози тушендозь, азонкшнихть речт ломаттне лакейскийть эзда, кодама тьяни тиф эрь „порядочнай“ буржуазнай государства, „социалисттненьди“ кодама Эттли Англиясь, кодама Блюм Франциясь, конат тьяшкава усерднайста старандайхть воинаят вишкотеманц и сьада тонжелептеманц инкса. Англо-французский империалистический прессат, и сось ня „социалистический“ подголосканзон выступлениаста марьви сьажа озверелай империализмать вайгялец, конац пьк аф келгсы социалистический государст

вать, и конань минь содасаськ Советский Союзть существование вавень шивзон эзда сьамокс. Нинге 1919 кизонь апрельть 17-це шистонза английский „Таймс“ сьормадсь:

„Кда минь варжаксттама картати, то минь мусаськ, што Петроградти сембода цебарь нежедема востокс ащи Балтикась и што сембода нюрхкьян и сьада тьождя кись тейнза ащи Финляндиять пачк, конань граница ащи йофси анычек 30 миль Россиять столицанц эзда. Финляндиясь—тя ключ Петроградти, а Петроградсь—тя ключ Москути“. Кда эрявольхть кодамовск докладательстват сьади, што английский и французский империалисттне изезь кад тя пингс эсь сумасброднай тяфтама планцон, то Финляндиясь мекольдены события меле тьян колга кодамовск сомнения аф лядовды. Соответствующай платтне тага сьазевсть аф сьа мес исть сатне Англиясь и Франциясь антисоветский вийхнен усилиясна и аф проста сьа, мес мекольдены пинить Финляндиять, а стане жа Швециять и Норвегиять руковолящай кругсна яфть, наконец, известнай благоразумия. Ня платтне сьазевсть Якстерь Армиять блестящай успехонзон вельде, сембода пьк, Карельский перешейкаса. (Аплодисментт). Но минь аф юкстасаськ, што мекольдены события тне тага лятфтазь сембонди тейнек сян колга, што сьада то вонга эряви неуклонна кемокнемс минь Якстерь Армияньконь и минь странньконь марек обороннай вийнц. (Вишке и ламос моли аплодисментт).

Февральть ушедомстонза фиттне практически путевезь кизефксть Финляндиясь воинаят аделаманц колга. Шведский правительствать вельде минь содаськ, што финляндский правительствать мялеполба содамс минь условияньконь колга, конатнень коряс можна аделамс воинаясь. Тя кизефксть решандамда инголе минь обратились Финляндиять Народнай правительстванц, штоба содамс сось мяленц тя кизефксть колга. Народнай правительствась азсь мяль сян инкса, штоба, веронь пьардемать лоткафтоманц и финляндский народть положениянц тьождагфотоманц инкса, эрявольба согласиндамс воинаят аделаманц колга предложениятнень мархта. Эста минь путоме условият, конатнень финляндский правительствась курок примазень. Мон должень прибавамс, што фиттнень мархта переговорхнен ушедомда неделяда меле английский правительствась стане жа азсь мяльвыяснить посредничествань возможность бта сянкса, штоба аделамс Финляндиясь воинаят (рахамача), но мзярда Англиясь минь полпредоньке Майский ялгась информировал Лондонть минь предложенияньконь колга, конатнень марнек сьада меле примазень Финляндиясь, то английский правительствась ащезь карма лезлома воинаят аделаманцты и СССР-ть и Финляндиять йоткса миронь ладямати. Но сьакокс, СССР-ть и Финляндиять йоткса соглашения курок тифоль. Военнай действиятнень лоткафтомаснон и мирть ладяманц колга соглашениять результаты максфт мирнай договорть эса, конац подписанай марть 12-це шистонза. Тянь мархта арась кизефксь народнай правительствать самороспусконц колга, мезтьсон и тиезе.

Тянь содасайнть условиятнень, к сьа ладьфт мирнай договорть

эса. Тя договорть коряс тиф изменения Финляндиять южной и частично восточнай границанзонды. Сембе Карельский перешейкась, марса Выборгть и Выборгский заливть мархта, Ладожский озерать сембе западнай и севернай побережьянзон мархта, марса Кексгольмать и Сортавалать мархта, йотасть Советский Союзти. Кандалакшай районца, коса Финляндиять граница пьк малав пачкотькшнесь Мурманский машинакити, границась потафть. Советский Союзти йотасть Финляндиять кядьста Средний и Рыбачий полуостровнень аф оцю пьалкссна—северса, а Финский заливса островонь известнай группась, марса Гогланд островть мархта. Тяда башка, 30 кизонь срок Советский Союзти, арендань порядкаса, Советский Союзть ширде 8 миллиотт-финский маркань эрь кизонь пандома мархта, йотась Ханко полуостровсь сось перьфканза ащи островнень мархта, коза ули тиф минь военно-морской базаньке Финский заливти сувамать агрессиять эзда араламанц инкса. Договорсь, тяда башка, тьождагфотнесь Швецияти, Норвегияти и Советский Союзти товаронь транзитса возможность. Тяка мархта, мирнай договорса арьсекшневи взаимнай воздержания фкя-фкянь лангс всякай нападениять эзда и фкя-фкянди враждебнай коалициясь аф участвовандамась.

Англо-французский печатсьа тиендевсть тряфнемат няфтэмс советско-финляндский договорть и, башка, Карельский перешейкать Советский Союзти йотаманц, кода Финляндиять независимостенц „машфтомац“. Тя, ковшна, дикость и пустой брехня! Финляндиясь представляет и тьянине территория пцтай вилень крда сьада оцю, чем Венгриясь, кафксонь крда сьада оцю чем Швейцариясь. Кда кивок аф сомневандай сян эса, што Венгриясь и Швейцариясь ашихть независимай государствакс, кода можна сомневандамс сян эса, што Финляндиясь ащи независимайкс и сувереннайкс?

Тяка жа англо-французский печатсьа сьормадсть, што Советский Союзсь будта-байорасы шарфтомс Финляндиять анычек балтийский государствакс. Разумеется, тьявок глупость. Саты няфтэмс сян лангс, што СССР-сь, занямок воинаят пингста Ледовитай океанть ваксса Петсамо районть, добровольна меки макозе тя районть Финляндияти, сьа мес лувозе эрявиксокс максомс Финляндияти аф эндакшни океанский портть. Тянь эзда лисенди,—што минь лувондсаськ Финляндиять аф анычек балтийский, но и севернай странакс.

Видесь ащи англо-французский газетатнень аф ня выдумкаснон-са, конат пуворьфтезь кядьснон антисоветский пропагандань всякай фальшивкаса. Видесь ащи лия-а, а именна тоса, што Советский Союзсь, тапамок финский армиять и улсть полнай возможностью занямс сембе Финляндиять, ащезь моле тьянди и ащезь веше кодамовок контрибуция эсь военной расходонзон пандомс, кода тьян тиелезе ба фсякай лия державась, а ограничил эсь пожеланиянзон минимумса, няфтемок великодушия Финляндияти отношеияса.

Коса мирнай договорть основной смьслац? Тоса, што сон кода эряви обеспечивает Ленинградти, а тяфта жа Мурманский и Мурманский машина кити безопасность. Тьяса минь ве могли лотксемс анычек сьа пожеланиятненьди, конат улсть минь ширденк выдвинутайхть йотай кизонь сьоксен-

да и конатнень примамасна означали ба Финляндияти воинаят аф ушеткшнеманц. Сьада меле, кода пьарсь—аф минь сьонедонк—минь боепоньконь версна и минь убедилсь, конашкава ичкози суvasь финляндский правительствать политикань враждебностец Советский Союзти отношеияса, минь должетт улеме Ленинградть безопасностенц колга кизефксть путомс сьада надежной основас и, тьяда башка, должетт улеме путомс кизефкс Мурманский машинакити и Мурманский безопасностьснон колга, конац ащи тейнек единственной океанский аф эиякшни портокс Западса и сьа кирни исключительнай оцю значения минь внешняй торговляньконди и вообще Советский Союзть мархта лия странатненьди сотксонди. Кодамовок лия цельхть, Ленинградть, Мурманский и Мурманский машинакити безопасностьснон обеспечиндамада башка, минь ашеме путне мирнай договорса. Но сянкса тя задачать минь лувондоськ эрявиксокс решить надежнйста, прочнайста. Мирнай договорсь исходит Финляндиять государственнай независимостенц принципонц признаниянц эзда, сось внешняй и внутренняй политиканц самостоятельностьтенц признанияста и, тьяка мархта, Ленинградть и Советский Союзть северо-западнай границанзон безопасностьюснон обеспечиндамаса эрявиксть эзда.

Тяфта, цельть, конань минь путнеськ, сатоськ, и минь можем азомс полнай удовлетворения Финляндиять мархта договорть колга. (Аплодисментт).

Тячиень шиста сьамокс политический и хозяйственной отношеиятне Финляндиять мархта марнек меки латцевихть. Правительствась азонды уверенность, што Советский Союзть и Финляндиять йоткса кармайхть развиваться нормальной добрососедский отношеият.

Эряви, однако, предупредить анычек што тиф мирнай договорть нарушандаманцты тряфнематнень каршес, конат тиендевихть ни Финляндиянь, а тяфта жа Швециянь и Норвегиянь койкона крукнень ширде сян йоткост военно-оборонительнай союзонь тиемать колга туфталса. Норвежский стортингть председателенц Хамбро господинть аф кунардонь реченц лангс ванозь, коса сон серьгяткшнесь Финляндиять, няфтемок исторический примерхнен лангс, „странать границанзон меки сьавамоксонды“, и кона корхнесь, што тяфтама мирсь, конань тиезе Финляндиясь СССР-ть мархта, „не может ламос эрямс“, тьян и тяфтама выступлениятнень лангс ванозь аф трудна шарьхкодемс, што Финляндиять, Швециять и Норвегиять тяфта марьгондеви „оборонительнай союзон“ тиемс тряфнематне водедафт СССР-ть каршес и безрассудна эжнесыне военной реваншеней идеологиясь. Финляндиять участиянц мархта тяфтама военной союзонь тиемась аф анычек противоречил ба мирнай договорть колмоце статьянтцы, конац кафцьке договаривающай ширетненьди аф марьгонди примсемс участия фкя-фкянди враждебнай коалицияса (союзса), но противоречил ба сембе мирнай договорти, конац кемоста определил советско-финляндский граница. Тя договорти верность аф совместимай СССР-ть каршес кодама либа военно-реваншистский союзса Финляндиять участиянц мархта. Тяфтама союзса Швециять и Норве-



# В. М. Молотов ялгать докладонц полатксоц

гягть участиясна жа означал ба ия странатнень атказамаснон синь ширдест йотафневи нейтралитетонь политикаснон эзда и синь йотамаснон од внешний политикас, мезть эзда Советский Союзсь не мог ба аф тиёмс эстейнза соответствующий выводт.

Тяка пингть, правительствась лувондсы, што Советский Союзть аш спорный кизефксонза Швеция и Норвегиять мархта и што советско-шведский и советско-норвежский отношенияне должетт развиваться дружба вельде. Антисоветский целенкса нолневи жа кулятне сянь колга, што бта Советский Союзсь веши портт Скандинавиять западной побережьясь, што сонь мялец сявомс Нарвикть и ст. т., — стама дикость, што тя аш мезенкса опровергатье. Господа „социалистнень“, кода Швеция Хеглундонь и Норвегия Транмелень стараниясна Советский Союзть мархта ня странатнень отношенияснон коламаснон инкса эряви заклеить кода рабочай классть сембода злой врагонзон тевснон, конатнень рамазь иностранной капиталистне и предают эсь народснон интересонзон.

Финляндиять мархта мирной договорть тиемац, аделакшнесы ся задачат пашкодеманд, конац пугфоль йотай кизоня, Балтийский морять ширде Советский Союзть безопасностенц обеспечендаманд колга. Тя договорсь ащи эрявикс дополнениякс взаимопомощень колга колма договорхненди, конат тифт Эстониять, Латвиять и Литвасть мархта. Пяле кизонь опытть коряс, конац йотась взаимопомощень колга ня договорхненъ тиема пингстост сявомок, можна тиёмс сатомшка определенной положительный выводт прибалтнень мархта договорхненъ колга. Эряви признать, што Советский Союзть договоронза Эстониять, Латвиять и Литвасть мархта лездсть кода Советский Союзть, стане и Эстониять, Латвиять и Литвасть международная позицияснон кемокстамаснонды. Аф ваномок эвфнематнень лангс, конатнень нолнезь Советский Союзти враждебной империалистический круке, Эстониять, Латвиять и Литвасть государственной независимостьсна и политикаснон самостоятельностью мезьсонга не пострадали, а ня странатнень хозяйственной отношениясна Советский Союзть мархта кармасть няевомга касома. Эстониять, Латвиять и Литвасть мархта договорхненъ пашкодемасна моли удовлетворительна и тиенди предпосылкат Советский Союзть и ня государстватнень йоткса отношениятнень сяда тов цебарьгодомаснонды.

Мекольдены пингть иностранной печать эса оцю мяль шарфневсь Советский Союзть взаимоотношениязон колга кизефксти сонь соседонзон мархта южной граничанц лангса, васендакиге Закавказьясь, а стане жа Румыниять мархта. Эряви ли доказывать, што правительствась аф нии кодамовок основанийт отношениятнень калдыагофтомаснонды минь соседоньконь мархта югонга. Правда, тии Сириясь и вообще Ближний Востока, моли подозрительной оцю возня англо-французский, преимущественна колониальной армиянь тиёмать колга во главе Вейган генералть мархта. Минь должетта улемс бдительнайкс ня колониальной и аф колониальной войскактнень Советский Союзть каршес враждебной целенкса использованда-

маснонды тяряфнематнень колга. Тяфтама всякай тяряфнематнекеподельхть ба минь ширденк ответной мерат агрессорхненъ каршес, тяка пингть толса тяфтама коллендемаь опасностец должетт улемс цебарьста нийф СССР-ти враждебнайкс ащи державатнени и минь соседоньконь эзда сятнени, кие арай орудиякс СССР-ть каршес тя агрессивной политикати. (Аплодисментт). Кда сявомс минь отношениянконь Турциять и Иранть мархта, то синь определяндакшневихть минь йотксонк уликс ненападениянь колга договорхненъ мархта и тянь эзда вытекающей взаимной обязательстватнень пашкоткшнемс Советский Союзть неуклонной стремлениянц мархта. Иранть мархта минь отношениянъе хозяйственнай тевса ладяфт анычек што тиф советско-иранский торговый договорть мархта.

Южной соседней государстватнень эзда, конатнень мон лятфине, минь аш ненападениянь пактонъе Румыниять мархта. Тя азондови апак решандак уликс спорный кизефксть мархта, Бессарабиять колга кизефксть мархта, конань Румыниять кядьс фатманц Советский Союзсь мзярдонга не признавал, хотя и мзярдонга ашезе путне кизефксть Бессарабиять войнань вельде мрдфтоманд колга. Сяс аш кодамовок основанийт и советско-румынский отношениятнень кодама-либа калдыагодоманди. Виде, минь лама пингс аш полномочной представительнень Румыниясь и сонь обязанностензон пашкоткшнесыне тефнень эса повереннайсь. Но тя вызванай аф кунардонь прошлайть специфический обстоятельствоанзон мархта.

Кда лотксемс тя кизефксти, то сави лятфтамс 1938 кизоня румынский властнень неблагоприятный рольснон Румыниясь ся пингть советский полпредть обязанностензон пашкоткшненинцы — Бутенкоти отношениясь. Кода содаф, тя мекольдены кода бди таинственна эста юмась аф анычек полпредства, но и Румыниясь, и советский правительствати таки и ашезь удаля мезевок достоверной содамс тя юмать колга, тяка пингть минь бта должетт улемс верондамс, што кодамовок румынский властнень ашель отношениясна тя скандально-преступнай тевса. Аш мезе корхтамс, што цивилизованной государстваса, и вообще мзярошкадовок благоустроенной странаса, тяфтама вещатнени не должетт улемс васта. Тяда меле шарьхкодеви мес ламос тарсевсь Румыния Советский полпредонь назначандамась. Эряви, однак, думандам, што Румыниясь шарьхкодсь, што тяфтама вещатне нетерпимайхть.

Япониять мархта минь отношениянконь эса минь улихть трудностеньке, но сембе сяка разрешили кой-кона кизефкснень. Тянь колга корхтай йотай кизонь декабрь 31-це шистонза тиф тя кизонди советско-японский соглашениясь рыболовной кизефксть коряс, а тяфта жа Япониять соглашения КВЖД-ть инкса мекольдены вэность пандоманд колга, конань сон кирнезе. Сембе сяка, аш кода азомс оцю удовлетворения Япониять мархта минь отношениянконь колга. Тяфта, тя пингс аф ваномок советско-монгольский и японо-маньчжурский делегатнень лама пингс тарксеф переговорснон

лангс, лядсь апак решандак пяк эрявикс кизефкс йотай кизоть военной конфликтонь районца территориять лангса границать ладяманд колга. Японский властне мольфтихть препятствия КВЖД-ть инкса Япониять ширде пантф мекольдены вэность нормальнойста использовандаманцы. Иофсикс аф нормальнойхть лама случаяста японский властнень отношениясна Япониясь и Маньчжуриясь советский оргаттнень сотрудиакснонды. Япониясь должетт, меколи, шарьхкодемс, што Советский Союзсь кодамовок случаяста недопустит, штоба нарушандалезь сонь интересонзон. (Ламос моли аплодисментт). Анычек советско-японский отношениятнень тяфта шарьхкодезь синь могут развиваться удовлетворительна.

Япониять колга азанкафта валхт, кода мярьгомс, аф деловой фкя кизефксть коряс (залас веселай оживления). Ня шитнень японский парламентонь депутаттнень эзда фкясь максь эсь правительстванцы тяфтама кизефкс: „Аф сави ли думандам, кода корявек машфтомс конфликттнень СССР-ть и Япониять йоткса, например, Приморьять и лия территориянь рамамать вельде“ (рахамань увф). Японский депутатсь, конац максозе тя кизефксть, конац интересуетсь советский территориянь рамамаса, конат аф мишендевихть (рахамат), поменьшей мере, веселай ломань. (Рахамат, аплодисментт). Но сон сонень глупай кизефксонзон мархта, монь лацон аф кепсесы эсь парламентонц авторитетонц. (Рахамат). Однак, кода японский парламентса тяшкава пяк увлекаются торговлясь, незнайть ли тя парламентонь депутаттнени южной Сахалинь мишендема. (Рахамат, ламос моли аплодисментт). Мон аф сомневанда, што СССР-са мувольхть ба рамайхть. (Рахамат, аплодисментт).

Кда сявомс Американь Соединенной Штаттнень мархта минь отношениянконь, то синь меколь-

дены пингть ашесть цебарьгод, и, пожалуй, ашесть калдыагод, кода аф лувондомс СССР-ть каршес кода мярьгихть „моральной эмбарготь“, конань аш кодамовок смыслац, сядонга пяк СССР-ть и Финляндиять йоткса миронь тиема меле. США-ста минь импортоньке йотай кизоть коряс кассь. Сон мог ба нинге сяда пяккасомс, кода ба американский властне афольхть тиенде препятствият.

Тяфтама целайнек международнай обстановкась мекольдены вете кофнень пингста событиятнень коряс.

Сембе вьре азфть эзда няеви, мезьса минь нийсаксь тя международная обстановкать эса минь внешний политиканьконь главной задачанзон.

Норьхкияньста азозь, минь внешний политиканьконь задачанза ащихть сянь эса, штоба обеспечендамс мир нароттнень йоткса и безопасность минь странаньконди. Тянь эзда выводкс ащи — нейтралитетонь позициясь и Европань инь крупной державатнень йоткса войнать эса аф участвондамась. Тя позициясь основанай минь ширденк тиф договорхненъ лангса и сон марнек соответствондай Советский Союзть интересонзонды. Тя позициясь тиенди, сяконь мархта марса, сдерживающей влияния Европаса войнать келептеманц и кривьянеманц лангс и сяс сон сембе нароттнень интересса, конат стремясь мирти и конат куфцихть ни од пяк оцю лишениятнень эзда, конатнень тиезень войнась.

Тиендемек итокт мекольдены пингти, минь нийсаксь, што минь странаньконди безопасностень обеспечендама тевса минь сатометя пингть аф йомла успехт. Тя и пияскофнесыне минь врагоньконь. Минь жа, верондамк эсь тевоньконди и эсь вийньконди, марнек последовательностьса карматама мольфтемонза минь внешний политиканьконь неуклонна сяда товга. (Вишке, ламос моли аплодисментт марнек залса. Депутаттне стяхшихть).

## ВЛКСМ-нь райкомть бюросонза

Мартть мекольдены шинзон эзда ВЛКСМ-нь Торбеевский райкомсь йотафтсь марса комсомольский организациянь секретарьхненъ мархта бюро коса ульсь кизефксь комсомольский организациянень тундань видемати анокламаса участияснон и видема кампаниянь пингста агитационно-массовой работань вьтемать колга.

ВЛКСМ-нь бюроть решениянц коряс комсомольский организациятне кармасть няфнема нинге сядонга оцю инициатива тундань видемати анокламаса. „Красноармеец“ совхозонь комсомольский организациясь организовандась комсомольско-молодежной звена сортовой видьмотнень анокламаса, кова звенась аноклась 300 центнер сортовой видьме. Тяда башка организовандаф комсомольско-молодежной пост, конац провьяндакшнесыне сельхозинвентарть ремонтированной качествензон, ванфтысь кормать. „Красная Мордовия“ совхозса организовандаф авань тракторнай бригада, комсомолецнень инициативаснон вельде паксав ускф 310 центнер назем.

Оцю инициатива няфни Оцю Ивановка велень комсомольский организациясь, коса организован-

даф технический культурань касфтомань комсомольско-молодежной звена.

Аф ваномок ня сатфкснень лангс, районнай комсомольский организациясь улихть лама аф сатыстка. Салазгарьский велень советонь „Ленинонь кич“ колхозса комсомольский организациясь эсь собранианзон эса вестенге ашезь путне кизефкс колхозть тундань видемати анокламанд колга и ашезь макссе кодамовок практический лезкс тя тевса. „Комсомолец“ колхозса 13 комсомолец, конатнень эзда фкявок аф работай колхозса.

ВЛКСМ-нь райкомть бюроть обязал комсомольский организациянь сембе секретарьхненъ, составить работань план видема кампаниянь пингста массовой работань вьтемать колга. Сембе агитаторхненъ, конат работасть местнай Совету кочкаматнени анокламать пингста, кемокстамс паксаясь агитационно-массовой работань вьтема.

А. Куликова.

Торбеевский район.

Ответ. редакторть заместителец И. ЧУДАЙКИН.